

玉函山房輯佚書

劉真長小時居丹徒家至貧織芒履以養母

六字據御覽補

劇方回數出南射堂射劉往市賣履路經射堂邊過人無不看射劉過初不迴顧方回異之造問信答云

老母朝來未得食至市貨履不得展詣後過劇呼之

使來與其語覺其佳

太平御覽卷六百九十八又卷四百八十五引云劉真長少時

居丹徒家至貧織芒履以養母

桓元在南州妾當產畏風應須帳桓曰不須作帳可

以夫人故帳與之

太平御覽卷六百九十九

荀介子爲荊州刺史荀婦大如恒在介子齋中客來

俗說



姬姬館補校

便閉屏風有桓客者時在中兵參軍來詣荀諮事論
事已訖爲復作餘語桓時年少殊有姿容荀婦在屏
風裏便語桓云桓參軍君知作人不論事已訖何以
不去桓狼狽便走

太平御覽
卷七百一

謝萬作吳興郡其兄安時隨至郡中萬眠常晏起安
清朝便往牀前叩屏風呼萬起

同上

顧虎頭爲人畫扇作稽阮而都不點眼睛送還

有一引

主問之顧答曰那可點睛點睛便語

太平御覽卷
七百二又卷

七百五十引無可二字
作點眼睛便欲能語

何承天顏延年俱爲郎何問顏曰霍襄是何物顏答

曰此當復何解耶霍襄將是卿言腹中無所有純是

霍此是世俗相調之辭也

太平御覽卷七百四

桓元取羊欣爲征西行參軍元愛書呼欣就坐乃遣

信呼顧長康與共論書至夜良久乃罷

太平御覽卷七百四十七

毛泰買一玉窪八十八分

太平御覽卷七百五十九

王慶孫爲襄陽都督後之鎮爾時沔中蠻盛斷道縛

得王去將還家語王云汝是貴人試作貴人行者驅

逼不得已王便行蠻以其貴人不堪苦使令與婦女

谷說

鄭煥館補校

共碓下春

太平御覽卷八百二十九

王子敬學王夷甫呼錢爲阿堵後既詔出赴謝公主

簿過會下與擲散當其父手自抱錢錢竟明日已後

云何至須阿堵物

太平御覽卷八百四十九

王東亭嘗之吳郡就汰公宿別汰公設豆藿糜自噉

一大甌東亭有難色汰公強進半甌

太平御覽卷八百五十九

桓石虎是桓征西兒未被舉時西出獵石虎亦從獵

圍射虎虎被數箭伏在地諸將謂石虎曰惡耶能拔

虎箭不石虎小名惡子答曰可拔耳惡子於是逕至

虎遂便投得箭虎跳越惡子亦跳跳乃高虎還伏惡

子持箭便還

太平御覽卷八百九十二

齊沈僧照別名法朗攸之之孫也記人吉凶頗有應

驗嘗校獵中道而還左右問何故答曰國家有邊事

須還處分問何以知之曰向聞南山虎嘯知耳俄而

使至

同上

京下劉光祿養好鵝後軍從京還鎮尋陽以一隻鵝

爲後軍別純蒼色頸長四尺許頭似龍此一隻鵝可

堪五萬自後不復見有此類

太平御覽卷九百十九

俗說

加叢館補校

青史子一卷青史氏撰不詳何人賈執姓氏英賢錄
云晉太史董狐之子受封青史之田因氏焉漢藝文
志青史子著書按漢志小說十五家青史子五十七
篇注古史官記事也隋唐志不著錄佚已久考大戴
禮記賈誼新書並引青史氏之記此佚說之僅存者
據輯校錄書中言胎教之法懸弧之禮巾車之道具
有典則班固列入小說家必有所見然不可考仍依
編次云爾歷城馬國翰竹吾甫

青史子

青史氏 撰

古者胎教之道

大戴禮記無之道二字

王后腹

新書作有身

之十月

而就蓐

大戴禮記作寢

室太師持銅而御戶左太宰持斗

大戴

禮記

而御戶右太卜持著龜而御堂下諸官皆以其

職御於門內

大戴禮記無太卜二句

比及

新書作此無及字

三月者王

后所求聲音非禮樂則太師緇瑟

新書作撫樂

而稱不習

所求滋味者

新書無者字

非正味則太宰荷斗而不敢煎

調

大戴禮記作倚升無而不五字

而言曰

新書無言字

不敢以待

新書作侍王

青史子



鄭煥館補校

太子太子生而泣太師吹銅曰聲中某律太宰曰滋
味上某太卜曰命云某然後爲王太子懸弧之禮義
東方之弧以梧梧者東方之草春木也其牲以雞雞
者東方之牲也南方之弧以柳柳者南方之草夏木
也其牲以狗狗者南方之牲也中央之弧以桑桑者
中央之木也其牲以牛牛者中央之牲也西方之弧
以棘棘者西方之草也秋木也其牲以羊羊者西方
之牲也北方之弧以棗棗者北方之草冬木也其牲
以菟菟者北方之牲也五弧五分矢東方射東方南

方射南方中央射中央西方射西方北方射北方皆

三射其四弧具其餘各二分矢懸諸社稷門之左

中央之弧亦具餘二分矢懸諸社稷門之左

下日以然後卜王太子名

大戴禮記作上無新書作

取於天下無取於墜中無取於名山通谷無拂於鄉

俗

新書墜作地拂作悖

是故君子名難知而易諱也此所以養

恩之道也

新書恩作息大戴禮記無也字

正之禮者王太子無羞臣

傾臣之子也故謂之傾臣之子也身朝王者妻朝后

之子是謂臣之子也此正禮胎教也

大戴禮記無正之以下至此

古者年八歲而出就外舍學小藝焉履小節焉束髮而就大學學大藝焉履大節焉居則習禮文行則鳴珮玉升車則聞和鸞之聲是以非僻之心無自入也

新書作古者年九歲入就小學履小節焉業小道焉束髮就大學履大節焉業大道焉是以邪放非僻無

因入在衡爲鸞在軾爲和馬動而鸞鳴鸞鳴而和應

聲曰和和則敬此御之節也上車以和鸞爲節下車

以珮玉爲度上有雙衡下有雙璜銜牙珌珠以納其

間珌璜以雜之行以采茨趨以肆夏步環中規折還

中矩進則揖之退則揚之然后玉鐙鳴也

新書作古者王居

有法則動有文章位執戎輔鳴玉以行佩玉也上有
葱珩下有雙璜銜牙瑱珠以約其間琚瑀以雜之行
以采齊趨以肆夏步中規折中矩登車則古之爲路
馬行而鸛鳴鸛鳴而和應聲曰和和而敬
車也蓋圓以象天二十八牀以象列星軫方以象地
三十輻以象月故仰則觀天文俯則察地理前視則
睹鸞和之聲側聽則觀四時之運此巾車教之道也
大戴禮記保傅篇賈誼新書胎教雜事並引青史
氏之記互有不同古者年八歲已下新書容經約
舉大誼非原
文並據參同

宋子一卷周宋鈞撰鉅宋人莊子荀子並言其人孟子作宋輕韓非子作宋榮子要是一人也漢志小說家宋子十八篇注孫卿道宋子其言黃老意隋唐志不著目佚已久莊子天下篇載其禁攻寢兵之事並述其言案莊子雖與尹文並稱今尹文子書尙存無莊子所述之言且以孟荀書證知皆述鉅語據補佚篇附考爲帙夫輕以利爲言孟子以爲不可異懸君臣荀子以爲非然其持之有故而言之成理者亦自以其術鳴也歷城馬國翰竹吾甫

宋子

周 宋鉞 撰

不累於俗不飾於物不苟於人不忤於眾願天下之
安寧以活民命人我之養畢足而止以此白心

莊子雜篇

天下引此下云古之道術有在於是者宋鉞尹文問其風而說之案莊子以此稱宋鉞蓋述其書之語也

據練

宋鉞

二字據莊子補

作為華山之冠以表接萬物以別宥為

始語心之容命之曰心之行以眊合驪以調海內請
欲置之以為主見侮不辱救民之國禁攻寢兵救世

宋子

楊煥館補校

之戰以此周行天下上說下教

同上云引命之曰云云亦莊子述宋鉞書

語

上下見厭而強見也

同上云雖天下不取強而不舍者也引故曰云云

請欲固置五升之飯足矣先生恐不得飽弟子雖飢

不忘天下日夜不休曰我必得活哉圖倣乎救世之

士哉

同上云雖然其為人大多其自為大少曰云云

君子不為苛察不以身假物以為無益於天下者明

之不如已也

同上君子上有曰字亦莊子述宋鉞語

禁攻寢兵為外情欲寡洩為內

同上云以禁攻寢兵為外以情欲寡洩為

內其小大精微其行適至是而止禁攻二句用兩
以字亦述其書之大旨下二句莊子約言其書而
斷之
也

附錄

孟子告子篇宋慥將之楚孟子遇於石丘趙岐注宋慥宋人名慥孫奭正義慥與鉞同口莖反

荀子非十二子篇不知壹天下建國家之權稱曾不足以容辨異懸君臣然而持之有故其言之成理足以欺惑愚眾是宋鉞也楊倞注宋鉞宋人與孟子尹文子彭蒙慎到同時孟子作宋慥

韓非子顯學篇宋榮子設不爭鬪取不隨仇不差圉圉見侮不辱世主以爲寬而禮之

宋子

附錄

裴子語林二卷晉裴啓撰按劉峻世說新語注引裴氏家傳曰裴榮字榮期河東人父穉豐城令榮期小有風姿才氣好論古今人物撰語林數卷號曰裴子檀道鸞謂裴松之以爲啓作語林榮儻別名啓乎隋志小說家燕丹子一卷下注語林十卷東晉處士裴啓撰云榮石又云亡茲從諸書所引輯錄其有數引不同並據刪補釐爲二卷續晉陽秋謂其載謝太傅事不實似未必盡能傳信然文筆清雋劉義慶作世說新語取之甚多則亦小說之佳品也歷城馬國翰



竹吾甫

裴子語林卷上

晉 裴啓 撰

蜀人伊籍稱吳土地人物云其山巖巍以嵯峨其水

渾淥而揚波其人磊砢而英多

劉義慶世說新語言
語篇王武子孫子荆

各言其土地人物之美孫云
語林載蜀人伊籍稱吳土地人物與此語同據補

初溫嶠奉使勸進晉王大集賓客見之溫公始入姿

形甚陋合坐盡驚既坐陳說九服分崩皇室弛絕晉

王君臣莫不歔歔及言天下不可以無主聞者莫不

踴躍植髮穿冠王丞相深相付託溫公既見丞相便

裴子語林

卷上

嘉慶館補校
七十五卷三十一

游樂不往曰既見管仲天下事無復憂

劉峻世說新語言語篇注

仲祖語真長曰卿近大進劉曰卿仰看邪王問何意

劉曰不爾何由測天之高也

同上

王丞相拜揚州賓客數百人並加霑接人人有悅色

唯有臨海一客姓任名顓時官在都預王公坐及數

胡人爲未洽公因便還到過任邊云君出臨海便無

復人任大喜悅因過胡人前彈指云蘭閣蘭閣羣胡

同笑四坐並懽

劉義慶世說新語政事篇姓任下劉峻注引語林曰任名顓至公坐是上

下並同也據補

中朝方鎮還不與元凱共坐預征吳還獨樹不與賓

客共也

世說新語方正篇注

夏侯太初從魏帝拜陵陪列於松柏下時暴雨霹靂正中
所立之樹冠冕焦壞左右覩之皆伏太初顏色

不改

世說新語雅量篇注

顧和始爲揚州從事月旦當朝未入頃停車州門外

周侯飲酒已醉著白袷憑兩人來詣丞相歷和車邊

和先在車中

四字據御覽補

覓蝨夷然不動周既過反還覽

作周始見遙過去行數步覆又還

指顧心曰此中何所有顧搏蝨如

裴子語林

卷上

鄭媛館補校

故御覽作擇徐應曰此中最是難測地周侯既入語

丞相曰卿州吏中有一令僕才劉義慶世說新語作

丞相劉峻注引語林周侯飲酒至來詣丞相前後

丞相拜司空諸葛道明在公坐指冠冕曰君當復著

此世說新語識鑒篇注太平御覽卷六百八十四

有人目杜宏治標解甚清令初若熙怡容無韻盛德

之風可樂詠也世說新語賞譽篇注

王敬仁有異才時賢皆重之王右軍在郡迎敬仁叔

仁輒同車常惡其遲後以馬迎敬仁雖復風雨亦不

以車也

羊麟因酒醉撫謝左軍謂太傅曰此家詎復後鎮西

太傅曰汝阿見子敬便沐浴爲論兒輩

並同上

阮光祿聞何次道爲宰相歎曰我當何處生活

世說新語

品藻篇注

劉眞長與丞相不相得每曰阿奴比丞相條達清長

同上

李陽性遊俠上庶無不傾心爲幽州刺史當之職三

據御覽補盛暑一日詣數百家別賓客與別客填門遂死

于几下世說新語歲時雜記注太平御覽卷四百七

署一日詣數百

潘安仁至美每行老嫗以果擲之滿車張孟陽至醜

每行小兒以瓦石投之亦滿車世說新語容止篇注

三又卷七百十七引云張載字孟陽甚醜每出

為小兒擲瓦盈車初學記卷十九引云潘安仁

謝公之小時在殿廷會見丞相便覺清風來拂人說世

新語容止篇注

吾仲祖有好儀形御覽作少每覽鏡自照曰王文開

有三達

鄰生如馨兒御覽作王閏時人謂之達也又酷貪

敗自以形美乃入帽肆就帽姬戲乃得新帽世說新語客止

篇注引至達也太平御覽卷八百

二十八此兒下接又酷貪云云據補

諸人嘗邀阮光祿共詣林公阮曰欲聞其言惡見其

面世說新語容止篇注

丞相嘗曰堅石挈厠枕琵琶有天際想同

王武子葬夕御覽有夕字孫子荆哭之甚悲賓客莫不為

爲御覽有泣哭畢向靈座曰卿常好噓鳴今爲君作

噓鳴既作聲似真哭畢已下二十賓客皆笑孫曰諸

裴子語林卷上四如姬館補校

君不死而令武子死乎賓客皆怒須臾之間或悲或

哭世說新語容止篇注引至皆怒無哭畢至似真二

百八十七卷五百五十六引並無末二句餘文亦小異

又卷三百九十一引云弔王武子客孫子荆驢鳴變聲成笑

戴叔鸞母好驢鳴叔鸞每為驢鳴以樂其母太平御覽卷八

十九引連上節

王武子性愛馬亦甚別之故杜預道王武子有馬癖

和長輿有錢癖武帝問杜預卿有何癖對曰臣有左

傳癖世說新語術解篇注太平御覽卷八百三十一引杜預道二句

王中郎以圍碁爲手談故其在哀制中祚後客來方

幅會戲

世說新語巧藝篇云王中郎以圍碁是坐隱支公以圍碁爲手談注引語林王中郎以圍

碁爲手談

云云引語林以證世說別白言之

應道

元水經

注卷二十二引云王中郎以圍碁爲坐隱

或以謂之

手談又謂之碁聖歐陽詢藝文類聚卷

七十四

引云王中郎以圍碁爲坐隱支公以碁爲

手談

又太平御覽卷七百五十三引云王中郎

以圍碁爲

坐隱亦以爲手談皆與世說相混

許元度出都詣劉眞長先不識至便造之一而留連

標列貴略無造謁遂九日十一詣之曰卿尚不去使

我成薄德二千石

世說新語寵禮篇云許元度停都一月劉尹無日不往乃歎曰卿復

少時不去

我成輕薄京尹注引語林曰元度出都眞長九日十一詣之云云藝文類聚卷五十引許

元度至無造禍下有遂字較劉注為詳據補唯下
引作許語曰卿為不去家將成輕薄京尹又卷五
十五引劉真長謂許元度曰卿為不去我將
成輕薄京尹與世說語混茲依世說注訂

周伯仁過江恒醉止有姊喪三日醒姑喪三日醒也

大損資望每醉諸公常共屯守

世說新語任誕篇注引云伯仁正有姑喪

三日醉姊喪二日醉大損資望云云太平御覽

卷四百九十七引周伯仁過江恒醉止有姊喪三

日醒姑喪三日醒也案劉引當與御覽同後人以

世說有三日不醒語遂改兩醒字為兩醉字止訛

為正三訛為二

耳據御覽訂

周伯仁在中朝能飲過江日醉然未嘗飲一斛以無

其對也後有舊對忽從北來相得欣然乃出二斛酒

共飲之既醉伯仁得眠眠覺問共飲者何在曰西廂

問得轉不答不得轉伯仁曰異事使視之脅腐而死

太平御覽卷
四百九十七

張湛好於齋前種松養鶴鶴衰山松出游好令左右

作挽歌時人謂張屋下陳屍袁道上行殯

世說新語任護篇注

虞世南北堂書鈔卷九十二引作令左右行好

作挽歌時人謂張湛屋下陳尸山松道上行殯

宣武征還劉尹數十里迎之桓都不語直云垂長衣

談清言竟是誰功劉答曰晉德靈長功豈在爾

世說新語

排調

篇注

劉真長始見王丞相盛夏之月丞相以腹熨彈碁局

曰何乃淘

吳人以洽為淘

劉既出人問見王公云何真長云

丞相何奇止能作吳語及細唾也

世說新語排調篇王公云何下作劉

曰未見他異唯聞作吳語耳注引語林員長云丞

相何奇云云太平御覽卷三十四引字句小異

下二句與世說同但無聞字茲依世說及注訂正

藝文類聚卷五引云劉真長見王公王公不與語

時大熱以

腹熨石局

林公云文度著臙顏挾左傳逐鄭康成自為高足弟

子篤而論之不離塵垢囊也

世說新語輕詆篇注

韓康伯似肉鴨

同上引語
林裴啓云

庾公乘馬有的盧殷浩勸公賣馬庾云賣之必有買者卽復害其生寧可不安已而移於他人哉昔孫敖敖殺兩頭蛇以爲後人古之美談效之不亦達乎

世說

新語德行篇庾公乘馬有的盧或語令賣去
注引語林曰殷浩勸公賣馬上下並據補

殷浩于佛經有所不了故遣人迎林公林乃虛懷欲往王右軍駐之曰深源思致淵富旣未易爲敵且己所不解上人未必能通縱復服從亦名不益高若佻脫不合便喪十年所保可不須往林公亦以爲然遂

止世說新語
文學篇注

孔坦爲侍中密啓成帝不宜往拜曹夫人丞相聞之

曰王茂宏爲痴耳若卜望之之巖巖刁元亮之察察

戴若思之峯距當敢爾不世說新語
賞譽篇注

和嶠諸弟往園中食李而皆計核賣錢故嶠婦弟王

濟伐之也世說新語
儉嗇篇注

劉實詣石崇如廁見有絳紗帳大牀茵蓐甚麗兩婢

侍飾香囊遽反走卽謂崇曰向誤入卿室內崇曰是

廁耳實更往向乃守廁婢所進錦囊實等良久不得

便行出崇曰貧士不得如此廁乃如他廁

世說新語汰後篇注

太平御覽卷一百八十六引有實往已下據補又卷七百四引云石崇廁內兩婢持節囊是特也

石崇廁常有十餘婢侍列皆甲麗藻飾置甲煎沉香

無不畢備又與新衣客多不能著王敦爲將年少往

脫故衣著新衣氣色傲然羣婢謂曰此客必能作賊

太平御覽卷一百八十六又卷五百引無皆甲麗至沉香十字無作莫爲將年作大將年又卷七百

十九引石崇廁置甲煎粉沉香汁之屬

王丞相有幸妾姓雷頗預政事納貨蔡公謂之雷尚

書雷有寵生恬洽

世說新語惑溺篇王雷尚書注引語林曰雷有寵云云上文據補

潘石同刑東市石謂潘曰天下殺英雄卿復何爲潘

曰俊士填溝壑餘波來及人

世說新語仇隙篇注

陳協數進阮步兵酒後晉文王欲修九龍堰阮舉協

文王用之掘地得古承水銅龍六枚堰遂成

酈道元水經注

卷十六 太平御覽卷七十三引云陳協數日載進阮步兵酒一壺修上無欲字

明帝數歲坐元帝鄴上有人從長安來元帝問洛下

消息潛然流涕明帝問何以致臣具以東渡意告之

因向明帝汝意謂長安何如日遠答曰日遠不聞人

從日邊來居然可知元帝異之明日集羣臣宴會告

以此意更重問之乃答曰口近元帝失色曰爾何故

異昨日之言邪答曰舉目見口不見長安世說新語風悲篇

北堂書鈔卷七引語休云答長安近日句據補

簡文為撫軍時所坐牀生座不命左右拂御覽引作牀上灰座

不命左右掃去一見鼠行跡視以為佳有參軍見鼠作牀上座無生字

以手板格煞之撫軍謂曰無乃不可乎太平御覽卷三十九又卷

七百六又卷九百十一北堂書鈔卷一百三十二並引至為佳又卷十二引坐牀生座句

庾公欲伐王公先書與郗公曰老賤賊欲聘張殿中

將軍舊用才學之士以開視聽而頃悉用面牆之人

也御覽無兩之字是欲蔽主之明便欲勒數州之衆

以除君側之惡今年之舉茂不濟矣北堂書鈔卷六十四引庾公與

鄒公爲殿中將軍至而牆之人也太

平御覽卷二百三十九引此簡完具

王太保有二兒喪一兒欲還舊塋一兒欲留葬御覽

葬太保乃垂涕曰不忘故鄉仁也不戀本土達也唯

仁與達吾二子有焉北堂書鈔卷九十二太平御

覽卷三百八十七又卷五百五

六
袁山松善音樂舊歌有行路難曲辭疎質山松好之

乃文其辭句婉其節奏每因酣醉繼歌之聽者流涕

初羊曇善唱樂祖伊能挽歌及山松行路難繼之時

謂之三絕

北堂書鈔卷九十二

王藍田作會稽主簿請諱答曰惟祖惟考四海所知
內諱不出於外餘無所諱徐邈表不諱太子名義與
太守褚爽上表稱皇太子名尚書下之禮官以時議
其可否禮官議疑無適準正聊率所見以論之曰禮
記曰夫人之諱雖質君之前臣不諱也案夫人國之
小君君之一體太子之母也而尚不諱則太子何嫌
乎又禮君前臣名又周公告文王皆稱武王名可無

諱也

北堂書鈔卷九十四 二引云王藍田作會稽外請諱答曰惟祖惟考

太平御覽卷五百六十

四海所知過無復諱下 接徐邈表云云據補

桓元不立忌口政有忌時每至月

政有七字 據御覽補 絃觴無

廢

北堂書鈔卷九十四 太平御覽卷五百六十二 太

劉道長與真長言一時有名譽者皆宗真長

北堂書鈔卷九

八十

諸葛武侯與宣皇

北堂書鈔作晉宣帝 一作武侯與宣王

在渭濱將戰

宣皇戎衣蒞事使人觀

御覽武侯 北堂書鈔一引無 作觀武侯 宣皇至使人觀九

字

乘素輿著葛巾捉

一作白羽扇 藝文類聚作乘 持 素輿葛巾捉扇指

麾三軍眾軍

北堂書鈔有此二字

皆隨其進止宣皇聞而觀曰

可謂名士矣

北堂書鈔卷一百十八

又卷一百四十一

太平御覽卷

三百七又卷七百七十四又卷七百二引至進止初學記卷二十五引去諸葛武侯持白羽扇指麾

三軍

陸士衡為河北督兵已被間構內懷憂慙聞眾軍警

角鼓吹

御覽有鼓吹二字

謂其司馬孫極

御覽脫孫極二字

曰我聞

此不如華亭鶴唳

北堂書鈔卷一百二十一

藝文類聚卷六十八太平御覽卷三

百三十八又卷四百六十九世說新語尤悔篇注引作陸士衡為河北都督聞警角之聲謂孫丞

日開此不加

華亭鶴唳

桓宣武與殷劉談不如意喚左右取黃皮袴褶上馬

持稍數廻或向劉或擬殷意氣始得雄王太平御覽卷三百五

十四北堂書鈔卷一百二十四稍部引持數廻句陳禹謨補注引此節末句作以示武勇

周伯仁被收路逕太廟大呼宗廟之靈以稍刺地大

罵王敦北堂書鈔卷一百二十四

明帝函封詔與庾公信誤致與王公王公開詔末云

勿使治城公知道王公乃進表答曰伏讀明詔似不

在臣臣聞臣聞無有見者明帝甚愧數日不出見王

公北堂書鈔卷一百三太平御覽卷四百九十一又卷五百九十三

蔡洪赴洛洛中人問曰吳中舊姓何如答曰吳府君
聖朝之盛佐明時之俊又朱永長理物之宏德清選
之高望嚴仲弼九臯之鳴鶴空谷之白駒顧彥先八
音之琴瑟五色之龍章張威伯歲寒之茂松迷夜之
逸光陸士龍鴻鵠之徘徊懸鼓之待槌此諸君以洪
筆爲鋤耒以紙札爲良田以言默爲稼穡以禮義爲
豐年

北堂書鈔卷一百
四陳禹謨補注

謝興在中朝恒遊宴還不甚少偶與阮千里總章中
聽一典六日忘歸

北堂書鈔
卷一百五

嵇中散燈下彈琴忽有一人面甚小斯須轉大遂長

丈餘黑單衣韋帶

御覽無黑字

楮視之既熟吹其燈滅曰

吾耻與鬼魅爭光

藝文類聚卷四十四

太平御覽卷五百七十又卷八百七十

堂書鈔卷一百九引至丈餘

何晏字平叔以主婿拜駙馬都尉

御覽卷一百五十四引有晏字二字

及以主已下八字

美姿儀而絕白

北堂書鈔儀作容而作面

魏文帝疑其

著粉

北堂書鈔舊作傅

後夏月與熱湯餅既啖

北堂書鈔作以熱餅噉之

御覽作賜以湯餅

大汗出隨以朱衣白拭面顏

初學記御覽並無而顏二

字色

御覽一引拭之無色字

轉皎然

北堂書鈔卷一百三十五

初學記卷上

九又卷二十六 太平御覽卷二十
一又卷一百五十四又卷八百六十

謝鎮西著紫羅襦乃據胡牀在大市佛圖門樓上彈

琵琶作大道曲

北堂書鈔卷一百二十九 藝文類聚卷四十又卷七

百八十三又卷六百九十五引
並有在大市佛圖門樓上七字

夏少明在東國不知名聞裴逸民知人乃裹糧寄載

御覽有入洛從之未至家見一人著黃皮袴褶乘馬

將獵少明從問曰裴

御覽有裴字

逸民家何在

御覽作遠近

答

曰君何以問寡

御覽有夏字

曰聞其明而知人從會稽來

我之裴曰身是逸民君明可更來明往逸民果知之

又嘉其志局

御覽無此句

用為西門侯於此遂知名

北堂

書鈔卷一百二十九引至按之

太平御覽卷四

百四十四又卷六百九十五又卷八百三十二並

引全

滿奮字武秋體羸

北堂書鈔作滿奮體羸

惡風侍坐武帝屢顧

看雲母幌或云

北堂書鈔無或云有武帝笑之句據御覽移於下

北窗琉璃

屏風似密實疎有難色武帝笑之答曰臣為吳牛見

月而喘或曰是胡質侍魏明帝坐

北堂書鈔卷一百三十二藝文類聚

卷六十九並引至有難色又以武帝笑之句在上

雲母幌下太平御覽卷七百一引答曰已下據

補

許元度將弟出都婚諸人聞是元度弟藝文類聚無

欽遲之既見乃甚疑便欲嘲弄元度為之解紛諸人

遂不敢犯藝文類聚為下有一作賓主相對真長歎

曰許元度為弟婚施十重鐵步障北堂書鈔卷一百

文類聚卷二十五引多脫略太平御覽卷七百

一引全節又卷八百十三引云許元度出都為弟

婿弟少愚恐人嘲弄元度為解而復免真長笑曰許元度為弟張十重鐵步障

傳信蒼母羸病恒驚悸信乃取雞鳴去御覽卷九百

毛放承塵上落地母輒御覽九百恐怖北堂書鈔卷

太平御覽卷七百一又卷九百五十一又卷九百五十一

裴子語本

卷上

十四師廣世補安

任元褒為光祿勳孫翊往詣之見門吏憑几視孫入

語任曰吏儿對客為不禮任使推之吏答曰得罰體

痛以橫木扶持非憑儿任曰直木橫施值其兩足便

為憑几何必孤鵠蟠膝曲木抱腰太平御覽卷七百

一百三十三引孤鵠蟠膝句陳禹謨補注

王平子從荊州來王敦欲殺之平子手恒持玉枕以

此未得發敦後矯平子左右而缺一持下牀去遂殺

平子北堂書鈔卷一百三十四太平御覽卷八百有敦後矯左右已下據補

王大將軍每酒後輒詠魏武帝樂府歌曰老骥伏櫪

志在千里烈士暮年壯心未已以鐵如意擊唾壺爲

節壺盡缺北堂書鈔卷一百二十五

范信能噉梅人常致一斛齋留信食之須臾而盡藝文

類聚卷八十六北堂書鈔卷一百三十五引范

汪能噉梅至一斛須臾噉盡太平御覽卷七百

十七又卷九百七十並引作范汪至能噉

梅無惜信句而作噉一作噉須臾盡也

劉道真遭亂藝文類聚無于河側自牽船見一老姬

採桑逆旅藝文類聚脫桑劉調之曰女子何不調機

逆二字下同

刺藝文類杼而採桑逆旅女子答曰丈夫何不跨馬

藝文類

揮鞭而牽船乎北堂書鈔卷一百三十七藝文類

聚卷二十五

太平御覽卷四百六

太平御覽卷四百六

十六引作見一老嫗掉槽下
掉槽同又卷七百六十九

陸士衡在洛夏月忽思竹篠飲語劉實曰吾鄉曲之

思轉深今欲東歸恐無復相見理言此已復生三歎

北堂書鈔卷一百四十四引竹篠飲陳禹謨補注
引至相見理大平御覽卷八百六十一引全節
又卷二十一引云陸機夏在洛忽思東
頭竹篠飲語劉實曰吾思鄉轉深矣

右軍年十一周顗異之時絕重牛心炙座客來未噉

先割啖右軍乃知名
北堂書鈔卷一百四十五

羊稚舒冬日釀酒令人抱甕爲煖須臾復易人速成

而味好
太平御覽卷二十七又卷七百五十八引至
抱甕下有爲煖二字又有注云羊琇字稚舒

北堂書鈔卷一百四十八引
云羊琇冬月令人抱甕釀酒

王子猷居山陰大雪夜眠覺開室酌酒四望皎然因

起徬徨詠左思招隱詩忽憶戴安道時戴在剡溪即

便夜乘輕船就戴經宿方至既造門不前便返御覽作既

造門而返或問其故曰吾本乘興而來御覽作人問之對

興盡而返何必見戴葉文類聚卷二太平御覽卷

無起徬徨三字及左思二字忽憶安戴下作時在

剡乘興掉舟下接經宿方至既造門而返或問其

故曰作人問之對曰無苦本二

字何必見戴下有安道二字

褚公與孫綽遊曲阿後湖狂風忽起舫欲傾褚公已

裴子語林

卷上

二
七十五卷四十六

醉乃曰此妨人皆無可以招天譴者唯興公多塵滓
正當以厭天欲耳便欲捉擲水中孫遠無計唯大啼
曰季野卿念我藝文類聚卷九 太平御覽卷六十
六引有注云褚公褚彥回季野彥回
也字

道真嘗與一人共索稗草中食見一姬將二兒過前

青衣謂之曰青羊將兩羔姬答曰兩猪共一槽藝文類聚

卷二
十五

鍾雅語祖士言我汝穎之士利如錐卿燕代之士鈍
如槌祖曰以我鈍槌打爾利錐鍾曰自有神錐不可

得打祖曰既有神雖必有神槌鍾遂屈

藝文類聚卷二十五太

平御覽卷四百二十六引作祖士言與鍾雅相調鍾語祖曰下同末有鍾遂屈二字據補

辛恭靜見司馬太傅問卿何處人答曰西人太傅應

聲戲之曰在西頗見西王母不恭靜答曰在西乃不

見西王母過東已見東王公太傅大愧

同上

晉孝武好與虞嘯父飲酒不醉不出後虞出拜殆不

復起

一引無不醉不出後虞出七字及殆字作醉拜不能起

帝呼人扶虞嘯父

曰臣位未及扶醉未及亂非分之賜所不敢當帝美

之勅左右疏取其語

一作勅疏取語

於是爲風俗人相嘲調

轍云好語疏取藝文類聚卷二十五又卷四十

劉道真子婦始入門遣婦虔劉聊之甚苦婢固不從

下地叩頭婢懼始從之明日語人曰子推故是神物

一下而婢服淫藝文類聚卷三十五

裴秀母是婢御覽母是婢三秀年十八有令望而嫡

母如猶令秀母親役後大集客秀母下食衆藝文類聚引作

猶令秀母親下食與賓見並起拜之答曰微賤豈宜

如此當爲小兒故耳於是父御覽作太母乃不敢復役之

同上 太平

御覽卷五百

桓野王善解音晉孝武祖宴西堂樂闋酒闋將詔桓
野王等歌野王辭以須笛於是詔其吹笛奴碩賜姓
曰張加四品將軍引使上殿張碩意氣激揚吹破三
笛末取猪膈笛然後乃理調成曲

藝文類聚
卷四十四

袁真爲監軍范元平作吏部尚書一坐語袁卿此選
還不失護軍袁曰卿何事人中作市井

藝文類聚卷
四十八

平御覽卷
二百十四

劉眞長與桓宣武共聽講禮記桓公曰時有入心處

便咫尺元門

藝文類聚卷五十
太平御覽卷六百十六

殷洪喬作豫章郡臨去人寄百餘函書既至石頭悉

擲水中因呪之曰沈者自沈浮者自浮殷洪喬不能

作達書郵

藝文類聚卷五十八

太平御覽卷五百

擲於水

補注同

謝太傅問諸子姪曰子弟何豫人事正欲使其佳諸

人莫有言車騎答曰譬如芝蘭玉樹欲其生庭階也

藝文類聚卷六十一

四又卷八十一

庾翼為荊州都督以毛扇上成帝帝疑是故物侍中

劉劭曰相梁臺構工匠先居其下管絃繁奏變牙先

聆其音虞之此扇以好不以新季恭聞之曰此人宜

在帝左右

藝文類聚卷六十九
覽卷七百二引有季恭二句

太平御覽

石崇與王愷爭豪窮極綺麗以飾車服武帝愷甥也

每助愷以珊瑚高二尺許枝柯扶疏世間罕比愷以

示崇崇視訖以鐵如意擊之應手瓦碎愷聲色俱厲

崇曰此不足恨乃命取珊瑚有三尺光彩溢目者六

十七枚愷張然自失

藝文類聚卷七十
卷七百三引脫窮極二句有愷

聲色以

下據補

陳壽將爲國志謂丁梁州曰若可覓千斛米見借當

長仁吾本

卷二

九嬪嬪補校

爲尊公爲佳傳丁不與米遂以無傳

藝文類聚卷七十二

劉靈字伯倫飲酒一石至醒復飲五斗其妻責之靈曰卿可致酒五斗吾當斷之妻如其言靈呪曰天生劉靈以酒爲名一石亦醉五斗解醒婦人之言慎莫

可聽

同上

裴子語林卷下

賢者國之紀人之望自古帝王皆以之安危故書曰
惟后非賢不久惟賢非后不食昔者周公體大聖之
德而勤於吐握由是天下之士爭歸之向使周公驕
而且吝士亦當翔遠去所至寡矣

初學記卷十七
太平御覽卷四百

二

管寧嘗與華子魚少相親共園中鋤菜見地有片金

揮鋤如故與瓦石無異華提而擲去

初學記
卷十七

王右軍目

御覽

作見杜宏治歎

御覽有
歎字

曰面如凝脂眼如

點漆此神仙中人

初學記卷十九

太平御覽卷三百六十五又卷三百六十六又卷

三百七

十九

王右軍為會稽令謝公就乞牋紙

檢校

初學記無庫檢校二字

中有九萬枚悉以付之

藝文類聚

作有九萬

桓宣武

曰逸少不節

初學記

卷二十一

藝文類聚

卷五十

卷一百四

牋紙補注

引並無桓宣武以下

毛伯成負其才氣常稱寧為蘭摧玉折不作蒲芬艾

榮

文選顏延年祭

屈原文李善注

大夫向閣而立

廣韻平聲下二

十四鹽闕字注

太傅府有三才裴邈清才潘陽仲大才劉慶孫長才

太平御覽
卷二百六

大將軍丞相諸人在此時閉戶共爲謀身之計王曠
世宏來在戶外諸人不容之曠乃剔壁闚之曰天下
大亂諸君欲何所圖謀將欲告官遽而內之遂建江
左之策

太平御覽卷
一百八十四

王藍田少有癡稱王丞相以門第辟之旣見無所他
問問來時米幾價藍田不答直張目視王公王公云

王掾不癡何以云癡

太平御覽卷二百四
十九又卷四百九十

蘇峻新平溫庾諸公以朝廷初復京兆宜得望實唯孔君平可以處之孔固辭二公逼諭甚苦孔敖然曰先帝大漸卿輩身侍御牀口行詔令孔坦爾時正璫臣耳何與國家事不可今日喪亂而猥見逼迫吾俎豆上腐肉任人截割耶庾愧不能答

太平御覽卷二百五十二

堂書鈔卷七十六引至可以處之

何公爲揚州有葬親者乞數萬錢而帳下無有揚州常有鵠

胡恩制一引作鵠

米以賑孤寡乃有萬餘斛庾存爲

沿中而見道帳下空素求

一作

此米何公曰何次

道義不與孤寡爭粒

太平御覽卷二百五十八又卷四百二十六北堂書鈔卷三

十八引何宏云不
不與孤寡爭粒

張衡之初死蔡邕母胎孕此二人才貌相類時人云

邕是衡之後身

太平御覽卷三百六十一又卷三百九十六白孔六帖卷二十一

魏郡太守陳異嘗詣郡民尹方方被頭以水洗盤抱

小兒出更無餘言異曰被頭者欲吾治民如理髮洗

盤者欲吾清如水抱小兒者欲吾愛民如赤子也

太平

御覽卷三百六十四

賈充問孫皓曰何以好剝人面皮皓曰憎其顏之厚

裴子語林

卷下

好煩館補校

太平御覽卷三百六十

四又卷三百七十五

王武子與武帝圍碁孫皓看王曰孫歸命何以好剝

人面皮皓曰見無禮於其君者則剝其皮

一作剝之乃

舉碁局武子伸腳在局下故譏之

太平御覽卷三百六十五又卷四百

九十又卷七百五

十三引有下句

劉真長病積時公主毀悴將終喚主主既見如此乃

舉手指之云君危篤何以自脩飾劉便牽被覆面背

之不忍視

太平御覽卷三百六十五

庾公道王尼子非唯事事勝於人布置髮眉亦勝人

我輩皆出其轅下

同上又卷三百七十四

孟業爲幽州人其人甚肥或以爲千斤武帝欲稱之

難其大臣乃作一大秤挂壁業入見帝曰朕欲自稱

有幾斤業答曰陛下欲稱臣耳無煩復勞聖躬於是

稱業果得千斤

太平御覽卷三百七十八又卷八百三十

孫策年十四在壽陽

御覽無此三字

詣袁術始至

御覽無此二字俄

而外通劉豫州備來

太平廣記無外通二字作劉豫州備到備字據補

孫使

求去

廣記無孫字

表曰劉豫州何關君

御覽作何台

答曰不爾

御覽無此二字

英雄忌人卽出下東階而

廣記無而字

劉備從西

裴子語林

卷下

鄭煥館補校

階上但得轉顧視孫足行

廣記無得字作孫之行步

殆不復前矣

太平御覽卷三百八十三

太平廣記卷一百七十四

劉道真年十六在門前弄塵垂鼻至胷洛下年少乘

車從門過曰年少甚埶埶劉便隨車問為惡為善爾

劉曰令君翁亦埶埶母亦埶埶

太平御覽卷三百八十三又卷三十七引

至鼻涕

至胷

胡廣本姓黃五月生父母置諸篋中投之于江湖翁

見篋流下

一無胡翁見篋四字

聞有小兒啼聲

一引聞上有胡字

往取

因以為子遂登三司廣後不治本親服世以為識

御覽卷三百八十八又卷

四百八十八引至三司

董仲道常在客宿與王孫隔共語同行入曰此人行

必亂後果爲亂階

太平御覽卷三百八十八

祖約少好財阮遙集好屐並常自經營同是一累而

未判其得失有詣祖見料視財物客至併當不盡餘

兩小簋以置背後傾身障之意未能平或有詣阮正

見自蠟屐因歎曰未知一生當著幾量屐神甚閑暢

於是勝負始分也

太平御覽卷三百八十九

王子猷嘗暫寄人空宅住使令種竹或問暫住何煩

裴子語林

卷下

如新舊有本
七十五卷五十四

爾嘯詠良久直指竹曰何可一日無此君

同上

董昭爲魏武帝重臣後失勢

一作董昭失勢

文明世入爲衛

尉一作久爲衛尉

乃厚加意於侏儒正朝大會侏儒作董

衛尉啼而敘

一作言昔

太祖時事舉坐大笑明帝悵然不

怡月中以爲司徒

太平御覽卷三百九十一又卷四百八十八

王子敬在齋中臥偷入齋取物幞裝一室之內略無

不盡子敬臥而不動偷遂復登厨欲有所覓子敬因

呼曰偷兒青瑣是我家舊物可特置不於是羣賊始

知其不眠悉置物驚先

太平御覽卷三百六十一又卷七百八

七

桓溫自以雄姿風氣是司馬宣王劉越石一輩器有
以比王大將軍者意大不平征符健還於北方得一
巧作老婢乃是劉越石妓女一見溫入潛然而泣溫
問其故答曰官家甚似劉司空溫大悅卽出外整衣
冠又入呼問我何似司空婢答曰眼甚似恨小而甚
似恨薄顰甚似恨赤形甚似恨短聲甚似恨雌宣武
於是弛冠解帶不覺惛然而睡不怡者數日

太平御覽卷三

百九十六

晉王敦與世儒議下都世儒以朝廷無亂且唱兵亂

自古所難諫諍甚苦處仲變色曰吾過蒙恩遇受任南夏卿自同姦邪阻邊議舉主法焉得相私因曰左右令進世儒正色曰君昔歲害兄今又殺弟自古名士豈有如此舉動言畢流涕敦意乃止太平御覽卷四百二十八王經少處貧苦仕至二千石其母語云汝本寒家兒仕至二千石可止也經不能止後爲尚書助魏不忠於晉被收流涕辭母曰恨昔不從勅以致今日母無戚容謂曰汝爲子則孝爲臣則忠有何負哉太平御覽卷四

白四

十一

魏武將見匈奴使自以形陋不足雄遠國使崔季珪
代乃自捉刀立牀頭坐既畢使僕問曰魏王何如使
答曰魏王信自雅望非常然牀頭捉刀人此乃英雄
魏王聞之馳遣殺此使

太平御覽卷四百四十四又卷七百七十九

諸葛靚字仲思在吳於朝堂大會孫皓問曰卿字仲
思欲何思之曰在家思孝事君思忠朋友思信如斯
而已

太平御覽卷四百六十四

鄧艾口吃常云艾艾宣王曰爲之艾艾終是幾艾答
曰譬如鳳兮鳳兮故作一鳳耳

同上

大將軍王敦尚武帝女此主特所重愛遣送王伉諸

主主既亡人就乞始猶分與之後乞者多遂指庫屋

數間以施

太平御覽卷四百七十七

殷公北征朝士出送之軍容甚盛儀止可觀陳說經

略攻取之宜衆皆謂必能平中原將別忽馳逞才自

槃馬遂墮地士以是知其必敗

太平御覽卷四百八十九

有人詣謝公別謝公流涕其人不悲既去左右曰向

客殊自密雲謝公曰非徒密雲乃自旱雷

同上

羅含在桓武坐人介與他人相識含正容曰所識已

多不煩復爾

太平御覽卷四百九十八

宗岱爲青州刺史禁淫祀著無鬼論甚精莫能屈後

一引有

此六字有一書生葛巾修刺

一引有

此四字詣岱與談論及

無鬼論書生乃拂衣而去

一引有與字一引有談論十三字

曰君絕

我輩血食二十餘年君有青牛髯奴所以未得相困

耳奴已叛牛已死今日得相制矣言絕而失明曰岱

死

太平御覽卷五百又卷五百九十五又卷八百八十四又卷八百九十九

桓宣武外甥恒在坐鼓琵琶宣武醉後指琵琶曰名

士固宜操斯器

太平御覽卷五百八十三

孫興公作永嘉郡人甚輕之桓公後遺傳教令作

敬夫人碑郡人云故當有才不爾桓公那得令作碑

於此重之

太平御覽卷五百八十九

王子敬疾篤兄弟勸令首罪答曰無所應首唯遺郡

家女以爲恨

太平御覽卷六百四十一

嵇中散夜彈琴忽有一鬼著械來歎其手快曰君一

絃不調中散與琴調之聲更清婉問其名不對疑是

蔡邕伯喈伯喈將亡亦被桎

太平御覽卷六百四十四

晉明帝年少不倫常微行詔喚人以衣履迎之涉水

過衣幘悉涇元帝已不重明帝忽復有此以爲無不

廢理既入幘不正元帝自爲正之明帝大喜太平御覽卷六

百八十七

謝萬就安乞裴云畏寒答曰君妄語正欲以爲豪具

耳若畏寒無復勝綿者以三千斤綿與謝太平御覽卷六百九

十四又卷八百十九

桓宣武性儉著故禪上馬不調視敗五形遂露太平御覽

卷六百九十六

大將軍刑周伯仁以步障繞之經口已具王曰周伯

裴子語林

卷下

知媛館備校

仁子弟癡何以不知取其翁屍周家然後收之

太平御覽

卷七
百一

胡母彥國至相州坐廳事斷官事爾時三秋中傍搖扇視事其兒子先從客顧謂曰彥國復何爲自貽伊

戚

太平御覽
卷七百二

庾法暢造庾公捉麈尾至彼公曰麈尾過麗何以得在

答曰廉者不求貪者不與故得在耳

太平御覽
卷七百三

劉承允少有淹雅之度王庾溫公皆素與周旋聞其至共載看之劉倚被囊了不與王公言神味亦不相

陶俄頃賓退王庾甚怪此意未能解温曰承允好明
新下必有珍寶當有市井事令人視之果見向囊皆
珍玩正與胡父諧賈

原注諧賈賈鬻
平御覽卷七百四

魏武云我眠中不可妄近近輒斫人不覺左右宜慎
之後乃陽凍所幸小兒竊以被覆之因便斫殺自爾
莫敢近之

太平御覽
卷七百七

傅信字子思遭父喪哀慟骨立母憐之竊以錦被蒙
其上林宗往弔之見被謂之曰卿海內之儔四方是
則如何當喪錦被蒙上郭奮衣而去自後賓客絕百

裴子語林

卷下

許曰

太平御覽卷七百七

一曰陳元方遭父喪形體

一無形體二字

立母哀

一作慙

之以錦被

被字一無

蒙其上郭林宗往弔見

錦被

一無錦被二字

而賁之賓客絕百許日

太平御覽卷五百六十一又卷

八百十五

大將軍收周侯至石頭坐南門石盤上將戮之送已

禱與周

太平御覽卷七百八

鄭元在馬融門下三年不得見令高足弟子傳授而

已融嘗竿渾天不合名鄭元令一竿便決衆咸駭服

及元業成辭歸臥心息焉

一作之

元亦疑有追者乃坐

橋下在水上據屐融果轉戒欲勅追之告左右曰元

在上下水上據木此必死矣遂罷追竟以免

太平列覽卷七

十五引至駭服又卷三百九十三引馬融年譚天至罷追脫衆咸駭服句又卷六百九十八引鄭元在馬融門下授業成辭歸末有竟以免句互校訂補

豫章太守顧劭是丞相雍之子在郡卒時雍方盛集

僚屬園基外信至而無兒瞽意不變而心了有故賓

客既散方歎曰已無延州之遺累寧有喪明之責耶

于是豁情散哀顏色自若

太平御覽卷七百五十三

王藍田食雞子以箸刺之不得便大怒

王述也

投于地

太平御覽卷

七百六十

諸阮以大盆盛酒木勺數枚也

太平御覽卷七百六十二

陶太尉既作廣州優游無事常朝自運甓

原注甓也

於齋

外幕於齋內人問之陶曰吾方致力中原恐爲爾優

游不復堪事

太平御覽卷七百六十七

王長史語林道人曰真長可謂金石滿堂林以語孫

興公興公曰語不得爾選擇正可得少碎珠耳

太平御覽

卷八

百三

中朝有人詣王太尉適王安豐大將軍丞相在坐因

往別國見李寅平子還謂人曰今之行舉目皆琳瑯珠玉

王夷甫處衆中如珠玉之在瓦石

並同上

蘇峻新平帑藏空猶餘數千端鑿練王公謂諸公曰國家凋弊貢御不致但恐賣練不售吾當與諸賢各製練服之日月開賣大售端至一金

太平御覽卷八百二十八

石崇恒冬月得韭薤爲客作豆粥咄嗟便辦王愷乃密貨帳下都督云是擣韭根雜以麥苗耳豆難煮豫

作熟豆以白粥投之

太平御覽卷八百五十五引云石崇恒冬月得韭薤王愷貨崇

裴子語林卷下

婦嬭節補校

七十五卷六十一

帳下督云是擣韭根雜以麥苗耳又卷八百五十九引云石崇爲客作豆粥咄嗟便辦王愷乃密貨帳下都督云豆難煮云云此是一節文引者略取今願文刪併

洛下少林木炭止如栗狀羊琇驕豪乃擣小炭爲屑以物和之作獸形後何呂之徒共集乃以溫酒火熱既猛獸皆開口向人赫然諸豪相矜皆服而効之

太平

御覽卷八百七十一

婁護字君卿歷游五侯之門每旦五侯家各遺餽之君卿口厭滋味乃試合五侯所餽之鯖而食甚美世所謂五侯鯖君卿所致

太平廣記卷二百三十九

嵇康素與呂安友每相思千里命駕安來值康不
在兄喜出迎安不前題門上作鳳字而云喜不悟康
至云鳳凡鳥也

太平廣記卷二百三十五

孫休好射雉至其時則晨往夕還羣臣莫不上諫曰
此小物何足耽答曰雖爲小物耿介過人朕之所以
好也

太平廣記卷四百六十一